

- Reumen, Satteln vnd anbinden,
 Der nicht sein weis wust zu finden.
 745 Der Juncker Theudel Bnuorferd
 War vom Schwarzen Reuter gelert
 Worden, das er ihm solt geben
 Gluend kolen vnd darneben
 Dornwaschen vberaus sehr scharff,
 750 Die es zu seinem Futter darff;
 Das solt des Pferdes Essen sein.
 Auff dem wurd er genesen fein,
 Was er darauff fûrnemen wurd
 An alln ôrthen, wo sichs gebûrt,
 755 Mit draben sprengen vnd rennen,
 Im Thorniren, wie mans nennen
 [D II^b] Mag, auch mit Streitten vnd kempffen.
 Er wird sich nicht lassen dempffen,
 Er sol sich fürchten für niemand
 760 Noch meiden, der ihm kômpt zur hand.
 Das sol ihm alls zu glück kommen.
 Wo er aber hat genommen
 Das Pferdt, sol sein Mund melden nicht,
 Der Todt kriegt ihn sonst inn sein pflicht
 765 Vnd müst des dritten tags hernach
 Gewies sterben, als ich dir sag.

Der siebende Punct.

- S Ein Hausfraw jm entgegen gieng,
 Mit den armen sie ihn umbfieng
 Vnd hies ihn Gott wilkommen sein.
 770 Als bald er kam zur thûr hinein,
 Sagt, wie sein ausbleiben gar sehr
 Sie hab manch zeit vorfert vnd mehr
 Wie jhr für ihn sey gewesen
 So leidt, das sie nicht genesen
 [D III^a] Hab können für angst sorg vnd gfahr,
 Die sie bedrungen jimmerdar.
 Viel mal seid jhr ausgerieten,
 In Thornirn Ritterlich gestrieten,

- Oftt seid ihr gezogen in Krieg,
 780 Gott hat euch noch stets geben Sieg.
 In Stedten ist zu mancher zeit
 Euch widerfarn vnglück vnd leidt,
 Noch ist mir gleichwol nih so bang
 Gewesen als jezt eben lang.
 785 Gott sey gelobt, das ihr noch seid
 Friesch vnd gesundt zu dieser zeit.
 Do Redet an der Vnuorferd
 Sein Gmahl mit Höfflichem geberd
 Vnd sprach: Anna, mein liebste Hausfraw,
 790 Der ich dir all gheimnis vertram.
 Mich sol nun zwar mein lebentag
 Nicht gerewen, als ich frey sag,
 Das ich zwar bin ausgegangen
 Hasen zu kürn vnd zu fangen.
 795 Daruon sol man singen vnd sagen,
 Wenn einer darnach würd fragen,
 Man sol auch daruon thun lesen.
 Denn war istz, ich bin gewesen
 [D III^b] 800 Zu Hierusalem die kleine zeit,
 Welchs ist von hinnen mechtig weit.
 Selkam Ebenteuer mir ist
 Widerfaren zu dieser frist,
 Weil ich gewesen auff der fart.
 Doch gleichwol hat mich Gott bewart
 805 So wunderlich auch, das mein Mund
 Nicht sagen wird vnd werden kund
 Sim jederman all solch Geschicht,
 Wie es denn ist von nöthen nicht.
 Drumb wollen wirs hie bleiben lahn
 810 Vnd nicht nach notturfst zeigen an.
 Hiernach sprach Thedel abermal
 Zu seinem Ehlichem Gemahl:
 Wir wolln nun hinauff zu Tiesch gehn
 Vnd also die Sach lassen stehn:
 815 Drauff wollen wir nicht mehr denken,
 Sondern vns lassen einschenken
 Vom allerbesten Bier vnd Wein,

- Wollen darbey guter ding sein
 Vnd, eh dis gschicht, zuuor Essen,
 820 Wollen alles leids vorgeffen.
 Die Knecht nach aller Herrlichkeit
 Kost brachten sehr wol zu bereit,
 [D III^a] Desgleichen sampt andern Gessen
 In Bier fürsetzen vom besten.
 825 Bald wurd die Benedictio
 Gesagt vber dem Tiesch aldo.
 Mit lust vnd wonne sie Assen,
 Gottes darbey nicht vergassen.
 Sie truncken doch mit massen wol,
 830 Wie zwar billich geschehen sol.
 Als ein jeder war worden sath,
 Dancket er Gott für all wolthat.

Der achte Punct.

- D**u nu die Malzeit war gethan,
 Fieng sein Hausehr widerumb an,
 835 Sprach: lieber Juncker Bnuorferd,
 Wo habt ihr doch das schwarze Pferd
 Bekommen, das sich so vngern
 Best satteln vnd mechtig thut spern?
 Wenn mans angreiffst vnd zeumen wil,
 840 Reißts hin vnd her vnd helt nicht still.
 [D III^b] Der Bnuorferd antwort: vorwar,
 Heut hab ichs gekaufft auff der Har
 Von ein Kauffman aus Niederlandt,
 Der war seins Namens nicht bekandt,
 845 Vnd habz bezahlt mit parem geldt,
 Welchs ihm von mir ist zugestellt.
 Solchs hat ich von meim letzten soldt
 Erübrigt, daruon ich zern wolt.
 Des andern Morgens darauff tracht,
 850 Sich nach Braunschweig auff den weg macht;
 Im thet darnach sehr vorlangen,
 Das die Brieff, so er empfangen
 Zu Hierusalem in der Stadt,